

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst ("Službene novine Zeničko-dobojskog kantona", broj: 7/10 i 3/23), člana 28. stav (1) i člana 52. Zakona o izvršavanju Budžeta Zeničko-dobojskog kantona za 2026. godinu ("Službene novine Zeničko-dobojskog kantona", broj: 24/25), na prijedlog Ministarstva unutrašnjih poslova, Vlada Zeničko-dobojskog kantona, na 118. sjednici, održanoj 18.02.2026. godine, d o n o s i

O D L U K U

o usvajanju Programa utroška sredstava u razdjelu 15 - Ministarstvo unutrašnjih poslova, pozicija "Nabavka stalnih sredstava u obliku prava" - budžetska sredstva - Izvor 10 Budžeta Zeničko-dobojskog kantona za 2026. godinu

Član 1.

(Predmet)

Usvaja se Program utroška sredstava Ministarstva unutrašnjih poslova za 2026. godinu, sa razdjela 15, budžetska organizacija 01, potrošačka jedinica 0001, ekonomski kod 821 500, pozicija "Nabavka stalnih sredstava u obliku prava" - Izvor 10, u iznosu od 20.000,00 KM (slovima: dvadesethiljada konvertibilnih maraka) i čini sastavni dio ove odluke.

Član 2.

(Način realizacije sredstava)

Sredstva iz člana 1. ove odluke realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3.

(Realizacija Odluke)

Za realizaciju ove odluke zadužuju se Ministarstvo unutrašnjih poslova i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u "Službenim novinama Zeničko-dobojskog kantona".

Broj: 02-11-3011/26

Datum, 18.02.2026. godine

Zenica

**PREMIJER
po ovlaštenju**

Dženana Čišija

DOSTAVLJENO:

1x Ministarstvo unutrašnjih poslova,

1x Ministarstvo finansija,

1x „Službene novine Zeničko-dobojskog kantona“,

1x a/a.

P R O G R A M
utroška sredstava u razdjelu 15 -
Ministarstvo unutrašnjih poslova, pozicija "Nabavka stalnih sredstava u obliku
prava" - budžetska sredstva - Izvor 10 Budžeta Zeničko-dobojskog
kantona za 2026. godinu

Član 1.
(Svrha Programa)

Svrha programa je nabavka softverskih paketa i antivirusnih programa za redovno funkcionisanje i unaprijeđenje informacionog sistema Ministarstva kao i podizanje sigurnosne razine istog.

Član 2.
(Visina sredstava)

Visina sredstava utvrđenih ovim programom iznosi 20.000,00 KM (slovima: dvadesethiljada konvertibilnih maraka).

Član 3.
(Izvor sredstava)

Sredstva iz člana 2. ovog programa isplatit će se iz Budžeta Zeničko-dobojskog kantona za 2026. godinu ("Službene novine Zeničko-dobojskog kantona", broj: 24/25), razdjel 15, budžetska organizacija 01, potrošačka jedinica 0001, ekonomski kod 821 500 pozicija "Nabavka stalnih sredstava u obliku prava"- izvor 10.

Član 4.
(Kriteriji utroška sredstava)

Kriteriji utroška sredstava će biti utvrđeni u skladu sa Zakonom o javnim nabavkama ("Službeni glasnik BiH", broj: 39/14, 59/22 i 50/24), usvojenim planom javnih nabavki Ministarstva unutrašnjih poslova za 2026. godinu i pozitivnim zakonskim propisima, a kako je prikazano u članu 6. ovog programa.

Član 5.
(Kategorija korisnika sredstava)

Korisnik sredstava je Ministarstvo unutrašnjih poslova.

Član 6.
(Naziv pozicije)

Pojedinačna nabavka iz člana 1. ovog programa će se vršiti prema nazivu pozicije „Nabavka stalnih sredstava u obliku prava“, u okviru planiranih sredstava, kako je navedeno u sljedećoj tabeli:

NAZIV POZICIJE	PLANIRANA SREDSTVA
NABAVKA STALNIH SREDSTVA U OBLIKU PRAVA:	
- Nadogradnja softverskih paketa	16.000,00 KM
- Nabavka antivirusnih programa	4.000,00 KM
U K U P N O:	20.000,00 KM

Član 7.
(Realizacija)

Za realizaciju ovog programa zadužuju se Ministarstvo unutrašnjih poslova i Ministarstvo finansija, svako u okviru svojih nadležnosti, a sve u skladu sa mjesečnim i kvartalnim operativnim planovima izvršenja Budžeta odobrenim od strane Ministarstva finansija.

Član 8.
(Način i rokovi izvještavanja)

O utrošku sredstava po ovom programu, Ministarstvo unutrašnjih poslova polugodišnje izvještava Vladu Zeničko-dobojskog kantona.

Broj: 02-11-3011/26
Datum, 18.02.2026. godine
Zenica

PREMIJER
po ovlaštenju

Dženana Čišija

DOSTAVLJENO:
1x Ministarstvo unutrašnjih poslova,
1x Ministarstvo finansija,
1x „Službene novine Zeničko-dobojskog kantona“,
1x a/a.